



## Canolradd (Gogledd)

### Chwarae'r Gêm - Act 10



*(Nodyn i'r Tiwtor: Os dach chi'n dilyn Cwrs Canolradd CBAC (y gogledd) mi fydd y ddrama hon yn addas unrhyw bryd ar ôl Uned 12.)*

Mae'n saith o'r gloch ac mae newyddion S4C newydd ddechrau.

Cyflwynydd: Noswaith dda. Heno...Yr Arlywydd Bush yn ymweld â Chymru.....Tân mawr ar fynydd Parys, Ynys Môn ....a Phlant Cymru i gael afal bob bore yn yr Ysgol... .. Ond yn gyntaf heno, arestwyd pedwar o chwaraewyr pêl-droed yng Nghaerddinas heno ac arestwyd un arall ym maes awyr Manceinion. Gyda'r stori, dyma Huw Morgan:

Huw: Diolch, Nia. Wel, aeth yr heddlu i Gynhadledd i'r Wasg yng Nghlwb Pêl-droed Caerddinas am bedwar o'r gloch y pawns 'ma ac aethpwyd â phedwar o chwaraewyr i swyddfa'r heddlu. Y pedwar oedd Roberts, Derbyshire, Griffiths a Howells. Cyhuddwyd y pedwar o dwyll. Credir bod y pedwar wedi derbyn arian mawr ar ôl cytuno i GOLLI gêm.

Cyflwynydd: Ac mae Caerddinas wedi colli llawer iawn o gêmiau yn ddiweddar.

Huw: Ydyn. Llawer iawn. Y gêm fwya wrth gwrs oedd honna yn yr Eidal pan gollon nhw yn erbyn San Germano.

Cyflwynydd: Dim ond y pedwar yma oedd wedi derbyn arian?

Huw: Dan ni ddim yn siŵr eto ond arestwyd un arall – y capten, Michael Jones, ym maes awyr Manceinion heno. Roedd o ar ei ffordd i Napoli, mae'n debyg. Credir mai Jones oedd yn trefnu'r twyll.

Cyflwynydd: Felly, be' sy'n digwydd rŵan, Huw. Ydy pawb wedi cael mynd adre?

Huw: Na. Mae'r pump yn y ddalfa yng Nghaerddinas heno. Y cwestiwn rŵan ydy be' fydd yn digwydd i glwb pêl-droed Caerddinas?

Cyflwynydd: Diolch yn fawr, Huw...ac rŵan at ein stori nesaf. Mae'r Arlywydd Bush wedi bod yn Llangefni heddiw.....

#### Geirfa

Arlywydd – president

Twyll - fraud

Yn y ddalfa – in remand

Yn ddiweddar – lately